



Na osnovu člana 8. stav 1. tačka d) i člana 26. stav 1. Zakona o javnim Preduzećima FBiH („Službene novine FBiH“ broj: 8/05, 81/08, 22/09 i 109/12) i 43. Statuta JP „Olimpijski bazen Otoka“ d.o.o. Sarajevo, Nadzorni odbor Preduzeća dana 02.11.2023. godine, donosi:

**ODLUKU
O STANDARDIMA I KRITERIJIMA ZA IMENOVANJE NA POZICIJU
PREDSJEDNIKA I ČLANOVA ODBORA ZA REVIZIJU
JAVNOG PREDUZEĆA „OLIMPIJSKI BAZEN OTOKA“ D.O.O. SARAJEVO**

**Član 1.
(Predmet Odluke)**

Ovom odlukom Nadzorni odbor JP „Olimpijski bazen Otoka“ d.o.o. Sarajevo (u daljem tekstu: Nadzorni odbor) utvrđuje standarde i kriterije za izbor i imenovanje na pozicije predsjednika i članova Odbora za reviziju JP „Olimpijski bazen Otoka“ d.o.o. Sarajevo (u daljem tekstu: Odbor za reviziju).

**Član 2.
(Opšti uslovi za poziciju predsjednika i članove Odbora za reviziju)**

Kandidat koji se prijavljuje za člana Odbora za reviziju Društva mora ispunjavati sljedeće uslove:

- da je državljanin Bosne i Hercegovine,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu 3 (tri) godine prije dana objavljivanja upražnjene pozicije,
- da se na njega ne odnosi član IX.1. Ustava Bosne i Hercegovine,
- da nije osuđivan za krivično djelo i privredni prijestup nespojiv sa dužnošću člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
- da nije lice kojem je presudom suda zabranjeno obavljanje dužnosti u nadležnosti Odbora za reviziju,
- da nije u sukobu interesa prema odredbama Zakona o sukobu interesa u institucijama vlasti BiH i Zakona o sukobu interesa u organima vlasti u FBiH,
- da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
- da nije član Nadzornog odbora ili Uprave Preduzeća, radnik Preduzeća, niti da ima direktni ili indirektni finansijski interes u Preduzeću,
- da je stariji od 18 godina, a mlađi od 65 godina na dan imenovanja.

**Član 3.
(Posebni uslovi za poziciju predsjednika i članove Odbora za reviziju)**

Pored utvrđenih opštih uslova iz tačke V ovog Javnog konkursa, kandidat koji se prijavljuje za predsjednika ili člana Odbora za reviziju mora ispunjavati i sljedeće posebne uslove:

- da ima visoku stručnu spremu – završen ekonomski fakultet ili drugog društvenog smjera,
- da ima najmanje 3 (tri) godine radnog iskustva na poslovima finansija i računovodstva,
- da posjeduje stručna znanja vezana za nadležnost i rad Odbora za reviziju i način rada organa upravljanja privrednih društava.

Prilikom procjene kvalifikacija i iskustva kandidata uzeće se u obzir i sljedeće:

- sposobnost prepoznavanja, zastupanja i zaštite interesa privrednog društva,
- sposobnost za odgovorno obavljanje dužnosti člana Odbora za reviziju,
- izražena inicijativnost i neovisnost u radu i donošenju odluka,
- znanje i sposobnost razumijevanja finansijskih i poslovnih izvještaja,
- poznavanje ukupnog zakonodavstva na području djelovanja Odbora za reviziju i privrednog prava,
- sposobnost upravljanja finansijama i ljudskim resursima,
- posjedovanje sertifikata za certificiranog računovođu i ovlaštenog revizora,
- komunikacijske i organizacijske sposobnosti,
- rezultati rada ostvareni tokom dosadašnjeg rada.
-

Član 4. (Sastav Odbora za reviziju)

1. Odbor za reviziju se sastoji od predsjednika i 2 (dva) člana, od kojih najmanje 1 (jedan) član ili predsjednik Odbora za reviziju mora biti iz redova ovlaštenih revizora.
2. Predsjednika i članove Odbora za reviziju na prijedlog Nadzornog odbora imenuje Skupština JP „Olimpijski bazen Otoka“ d.o.o. Sarajevo u skladu sa zakonom i podzakonskim aktima.

Član 5. (Ravnopravnost pri izboru)

Prilikom utvrđivanja ili primjene standarda, Skupština neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

Član 6. (Oglašavanje i izbor)

U skladu sa odredbama Zakona o javnim preduzećima u FBiH, Zakona o privrednim društvima, Zakona o ministarskim, vladinim i drugim imenovanjima FBiH i Statuta JP „Olimpijski bazen Otoka“ d.o.o. Sarajevo, i standardima i kriterijima iz ove Odluke, Nadzorni odbor će raspisati javni konkurs za izbor kandidata za predsjednika i članove Odbora za reviziju. Nadzorni odbor će većinom glasova na osnovu provedenog Javnog konkursa podnijeti prijedlog za imenovanje Skupštini Preduzeća.

Član 7. (Čuvanje standarda i kriterija)

Standardi i kriteriji za imenovanje čuvaju se u evidenciji Nadzornog odbora.

Član 8.
(Stupanje na snagu)

Ova Odluka stupa na snagu danom donošenja, a objavit će se na oglasnoj tabli Preduzeća. Stupanjem na snagu ove Odluke, Odluka broj: 01-2-456/21 od 24.05.2021. godine, prestaje da važi.

Broj: 01-3-2056-1/23

Sarajevo, 06.11.23

Predsjednik Nadzornog odbora
JP Hamdo Karić

